

襄垣縣志

卷六

第五册

重修襄垣縣志卷之六

知縣 李

人物志

鄉賢德行

忠臣

孝子方技

義士仙

襄垣人物見於經傳者自羊舌伯華始觀孔子天下有定之言固一代偉人也夫關比揚應之忠曾荀何之孝 金指困助麥之義其所得於扶清淑之氣 而鬱積者前古後今風氣固不殊焉襄自 而 聞風興起或為工者師或以循良著或人忠臣孝子之班或與儒林文苑之選彬彬郁郁流風來 □ 大 □ 彌昭幽光待發曼乎尚 □ □ □ □ 仙雖儒者所弗尚然程子謂 存心利物

襄垣縣志

卷之六

人物

一

於人必有所濟魏伯陽

聖賢懷元抱

真然則北宗南宗內學

錄之與古之

傳記相發明哉志人物

鄉賢

周

羊舌赤字伯華職之

鞞故號鞞伯華左

傳魯襄公三年羊舌職卒悼公問可代者祁奚對

曰赤可遂代父秩佐中軍尉家語孔子閒居喟然

嘆曰嚮使鞞伯華無死則天下其有定矣子路

曰由願聞其人也子曰其幼也敏而好學其壯

有勇而不屈其老也有道而能下人有此三者以定天下也 難乎哉大戴禮云孔子曰邦家有道其言足以興 家無道其默足以容蓋鞞鞞伯華之行也

羊舌肸字叔向職之子左傳魯襄公十六年晉平公卽位羊舌肸爲傳二十一年范宣子逐欒盈殺其黨羊舌虎等十人囚伯華叔向樂王鮒見叔向曰吾爲子請叔 弗應出不拜其人皆咎叔向叔向曰必祁大夫室老聞之曰樂王鮒言於君無不行求赦吾子吾子不許祁大夫所不能也而曰必由

之何也叔向曰樂王鮒從君者也可能行祁大夫外舉不棄讐內舉不失親其獨遺我乎詩曰有覺德行四國順之夫子覺者也晉侯 叔向之罪於樂王鮒對曰不棄其親其有焉 是祁奚老矣聞之乘 而見宣子曰詩曰惠我 疆子孫保之書曰聖有謩訓明徵定保夫謀 過 訓不倦者叔向有焉社稷之固也猶 世宥之以勸能者今 不免其身以棄社稷不亦惑乎若之何其以虎也棄社稷宣子說與之乘以言諸公而免之不見叔 而歸叔向亦不告免而朝

漢

張良按史記及西漢書皆稱良韓國人查一統志良
生城 城南卽襄垣縣也屬潁川郡皆韓地襄垣
古韓州良父祖以上五世相韓及秦滅韓良欲報
仇不惜萬金之貲密爲博浪之謀誤中副車遂遊
下邳遇黃石公授太公兵法後沛公起豐沛良聚
少年百餘人從之誅秦滅項卒成漢業事詳留侯
世家

晉

李熹字秀和銅鞮人父 漢大鴻臚熹少有高行博

襄垣縣志

卷之六

人物

三

學研精與北海管寧以賢良徵不行累辟三府不
就司馬懿爲太傅辟熹爲太傅屬固辭郡縣扶輿
上道時熹母疾篤乃竊踰泫氏城而徒還遂遭母
喪論者嘉其志節後爲并州別駕司馬師輔政命
熹爲大將軍從事中郎熹到引見師謂熹曰昔先
公辟君而君不應今孤命君而君至何也對曰先
公以禮見待熹得以禮進退明公以法見繩熹
法而至師甚重之累遷御史中丞當官正色不憚
彊禦百僚震肅尋遷大司馬泰始初封祁侯
書僕 拜特進光祿大夫及卒追贈太

唐

郝 才初授饒安令遷兗州屢進不以爲榮

屢 以爲辱高曠自得蓋有道之士也

宋

楊 字君澤勇力絕人少負大志金末元兵南下首
破勁敵拜懷遠將軍同知沁南節度行銅鞮令悉
力攻擊敵不能逞乃遣客刺之猶搏殺數人乃殞
李新段堡里人宋熙寧間尙書名勒本縣壽聖寺碑
陰功業無考

元

襄垣縣志

卷之六 人物

四

楊仁風幼聰敏能文登進士授刑部郎中歷官遼陽

省叅知政事以中書左丞致仕 入鄉賢祠

張 至元間鄉舉授忻州同知高才絕學以文章名

世 入鄉賢祠

連肇至元間進士歷潞城陵川汾州教官爲阿都温

太尉府叅軍爲山東道考試貢舉官沒贈集賢院

學士文章著名 入賢祠

李執 登進士至順間 立豐功官至禮部尙書

明

劉 文獻號耕樂 士性介直有才

涉獵書史且通星歷之學明太祖特詔徵隱逸與
壺關杜敷同 寵命拜太子賓客辭不就益篤行
誼躬耕樂道一邑尊禮之以壽卒於家翰林院修
撰周貴作志銘給事中鄒冕序輓詩

李濬字大川永樂壬辰進士初授兵部主事歷郎中
陞保定知府調河間陞都察院右都御史管理易
州廠事清操善政所在有聲文章華瞻時人有河
北小聖人之稱所著有雲谿瀛海二集

入鄉賢祠

劉端字守正號雲山永樂癸卯舉人性敏好學博極
羣書初授密雲縣教諭尋改新安教諭後授寧州

襄垣縣志

卷之六

人物

五

學正一時名士多出其門贈廣東道監察御史

入鄉

賢祠

劉潔字清之景泰庚午舉人任廣東道監察御史數
上疏言事從征荆襄間運籌決勝其功 遷浙

江副使老成持重洞達機宜雪獄救荒清 理漕
悉有條理尋卒於官贈南京吏部尚書

入鄉賢祠

劉鳳儀字天瑞宏治庚戌進士初授高 知縣興學
校廣儲蓄彌盜賊撫逃亡旱蝗爲文自 蝗入海
死陞戶部主事出納惟允轉陞刑部員外郎贈南

京吏部尚書

入鄉賢祠

劉龍 卿號紫巖鳳儀長子宏治己未探花初授翰林院編修歷修撰中允學士經筵日講進謙以履 以持盈之說世宗嘉納兩典順天鄉試俱稱 人陞禮部侍郎帝欲以太后謁廟龍執祖訓不 三上竟報罷尋陞南京禮部尚書改吏部尚 京職去留允當調兵部尚書裁中貴人以法 魏國永康撫寧亦鮮假借時宣大有警條上機 六事歷尚書六年召還京屢疏乞休持允馳驛 卒年七旬有八贈太子太保謚文安有紫巖 四十八卷尚書講章八卷 議四卷行於世

襄垣縣志

卷之六

人物

六

入鄉
賢祠

劉夔字 弼號黃巖鳳儀次子正德庚午辛未聯雋選翰林院庶吉士改兵科給事中世廟入繼詔起太監蕭公敬疏謂非所以令天下不報京東民田爲權倖侵據悉斥還民改翰林檢討後出爲河南僉事以抗直謫大名通判葺元城書院進諸生商確經史擢南京都察院經歷歷戶部郎中出爲江西副使河南提學貴州學正所至聲績懋著轉山東按察使平反冤獄號明允晉左僉都御史巡撫保定緩賦驅蝗拯濟有法值邊警飭兵屯守要害

軍政克舉三年以病乞歸又六年卒所著有黃巖
集金陵稿恒陽集處州錄大名吟並奏議七卷

郭秉聰字子愚登嘉靖丙戌龔用鄉榜授工部主事

陞本部員外郎中以修九廟功成陞通政司右

政通

郝良臣字廷蓋嘉靖辛丑進士授長垣知縣性剛直
冰蘖自持通河渠增堡砦實義倉察奸詰暴境內
大治會有詔徵取垣人立生祠冢宰王端溪爲記
陞吏部驗封司主事遷文選司郎中擢太僕少卿
調四夷館陞南京太僕寺卿改光祿寺卿出爲江
西右布政使

襄垣縣志

卷之六

人物

七

賈天爵字子修嘉靖丁未進士初授行人司行人肅
將王命出納有聲爲朝論所重陞兵部車駕司主
事秉公持廉砥礪 甚如關文等諸所職掌不少
假借兵政有裨尋 方司員外郎簡閱耆宿將
領得人擢武選司郎中競銓流品請託不容視職
方之政有加焉陞河 彰德府知府改登州知府
姚九功字惟叙嘉靖丁未進士初授許州知州操持
廉慎政務嚴明吏畏民懷建有生祠陞刑部員外
郎多所平反陞陝西僉事巡關西陞本省右叅議
奉勅撫治商洛陞本省副使奉勅兵備固原地方

軍民繪像入督府遺範祠祀之陞本省右叅政奉
勅經理涼莊邊務所至興利除害省費節財理國
事如家事焉

王俊臣字用章號明渠雲龍之父萬歷間歲貢任霍
州訓導陞潘寧河王府教授因王不度棄職歸里
性豪宕好施予贈文林郎束鹿縣知縣入鄉賢祠
見藝文

王基洪萬歷辛丑進士選翰林院庶吉士授監察御
史出按陝西抗疏列稅璫罪狀得旨撤回再按浙
江值水旱民飢又疏請易折色並得賑銀十萬民

賴以甦出爲應天督學校士稱公明

王雲龍號霖宇萬歷辛丑進士任臨朐縣知縣正直
廉明愛民如子再任束鹿治河渠免水患陞吏部
主事尋遷稽勲司郎中衡鑒平明有晉山濤風見

藝文

王馴成化中以例貢任渭南縣丞果敢有才力渭南
爲孔道達官往來如織其僕役恃勢凌轢馴抗言
據律例折之

馮繼京字紹元萬歷時貢士任直隸河間府通判督
密雲餉禦邊有功手著薊西邊政圖陞廣西河池

州知州

趙銓嘉靖時貢士天性孝友學問該博累官宣寧王府教授

郝臣嘉靖時貢士任泰州學政性資豪宕字成一家所至課士科目多出其門儒林推重

趙可進萬歷時貢士任文水訓導歷陞河南項城知縣爲政簡而不愛民如子振興學校一時科目最盛民爲立生祠

李養超天啓時恩貢任長沙府通判剛正不阿多所平反士民立碑頌德

襄垣縣志

卷之六

人物

九

劉大武自許州判陞靈臺知縣負性明敏發奸摘伏人不敢欺破囉哩賊於橫渠羣盜屏息夜聞績紡讀書者晨卽賞勞課士勵俗著有循聲本郡志

國朝

張龍貴字雲峯果敢英敏幼習韜鈴康熙丙辰任湖廣副標千總在琵琶灘殺敗譚逆恢復隕西白河房山三縣己未隨四川制軍進剿巫山首先扒城擒渠帥徐有魁王鳳奇等並招撫夔州府等處獻俘百餘人已已

聖駕出古北口隨

輦面奏蒙

賜扳指荷包陞江南東海營守備又進征喜峯口噶爾
旦等竭力用命調補福建臺灣南路營守備授武
德將軍帶領子姪千總張天相張天雄運糧於白
牙烏喇地方給散有功遷浙江撫標中軍叅將
崔鍾塘字三采性明敏工文詞登雍正癸卯進士任
江西贛縣知縣甫視學卽以丕振文風爲己任月
試諸生一時獲雋者衆丙午鄉試同考官所得俱
名士致仕歸時值水雹黍苗盡傷公給鄉人籽種
三十石

襄垣縣志

卷之六

人物

十

崔溍字魯江雍正庚子舉人博學能文任江西德安
知縣

崔淇字子瞻雍正癸丑進士任伊陽知縣後調滎澤
賑災恤民多有惠政

趙復元字見心品詣醇正學問淵博中雍正己酉舉
人任代州學政課士端嚴居官謹慎致仕歸紳士
餞送五十餘里

趙存誠登乾隆辛未進士任陝西定 知縣
民折獄果斷人 於邑

學 事尤多修舉

朝字麟閣由附貢任宣化府通判陞授 京府
通判府尹題奏爲人誠實辦事無誤致仕歸經修
文廟除捐資外復助米糧費用約數百餘金修城垣石
橋等工經理尤善

忠臣

戰國

豫讓按史記讓事智伯 合韓魏滅智氏讓漆
身爲癩吞炭爲啞 報讐欲刺襄子伺襄子
出伏橋下襄子至 索之獲讓讓請衣三擊

伏劍自刎

入鄉賢祠

襄垣縣志

卷之六

人物

十一

明

連楹字子聰筆之 奉寡母訓讀書山中曰炊
米一杓刻勵 舉於鄉授官轉春坊改御
史糾彈無所 任歷六七考不調靖難兵
起與同列董鏞 大小臣工有懷二心者
露章彈之及金用 叩馬欲刺成祖被殺屍柩
立不仆祭之乃仆 入鄉賢祠

孝子

魏

三歲喪父叔養之成人母九十二以疾終時引

七十五歲矣猶哀毀過禮心恨不識父而追 斬
衰食粥簾衣誓終厥身歷三十載哀慕不渝有司
奏聞表其門曰純孝

人鄉
賢祠

明

崔仲和廩生天性至孝母疾思飲河水適大旱絕流
和露禱之漳絕復通取以獻母飲之遂愈聞者驚

嘆後成明經任鄂縣知縣

人鄉
祠

連濟民庠生父母相繼而歿枕塊獨居者五載不入
內室屏絕酒肉但糲食而巳有司旌之

趙應格家貧賣食爲生自奉儉而奉親獨厚委曲承

襄垣縣志

卷之六

人物

十一

順侍養不倦武邑侯給匾旌表

以上本
舊志

國朝

賈待旌任河南汝寧府信陽州事當庠生時逢闖寇
之變其父元梓以捐助被執旌挺身代父受刑自
辰至申死而復甦嗣是父有疾服藥壽聖寺旌衣
帶不解三月之間未嘗一出寺門後舉優桂學憲
旌表闔邑稱純孝焉

賈燾邑庠生事母惟命是從外祖父無嗣祭掃者三
十餘年年至七旬凡遇祭期必步履而去及居親
喪時值隆冬天氣甚寒赤足至百日三年內皆如

古禮鄉黨咸推爲孝汪邑侯贈詩見藝文

李挺生歲貢千子也母多病挺常憂戚因居家不仕
九甘脆醫藥必親間視及父易簣挺哀毀骨立
染成大病明春哭地急救甦吐鮮血數
口而卒遠近聞之僉孝

郭士英廩生事親至孝父病醫調罔效祈藥於潞城
齊雲臺往返二百餘里朝去暮返採藥跪進一年
之久未嘗暫離父故哀毀骨立以憂父成疾卒鄉
黨皆稱純孝

孟玠考授典史自幼失怙勵志成立竭力歸葬祖母

代父盡禮奉母至耄餘不歸妻室始終不怠親弟
四人撫恤完婚邑人咸稱孝友

馬士驥武生天性孝友其父處家甚嚴驥先意承順
務求得其歡心日用飲食脩極誠敬

劉漳廩生卽歲貢佳鄉子也定省温清先意承志且
能柔聲下氣有古幾諫風

劉溁武生卽庠生啟宸之父竭力事親定省不輟且
兄弟友愛永無爭競

曹林其父曹運元年過八旬雙足跛林傭工供父與
其妻武氏怡聲下氣竭力服事毫無怠心

劉美中與其妻韓氏事繼祖母陳氏曲盡孝恭始終如一

黃運香父母早逝居家甚貧事祖母李氏克盡孝道有伯父亡故遺伯母楊氏患腿疾臥床三年有餘香與其妻奉侍終身生養葬祭俱竭其力

義士

元

張甫家饒足五世同居鄉里義之至元初詔旌耆德

義門

明

襄垣縣志

卷之六

人物

十四

王威

吳伯雲

郭復陳 以上三人俱正統三年各輸粟一千石賑濟有司以聞英宗旌表其門

王均慶吏員任縣丞施財好義以陽澤門外木橋不能耐久乃捐貲數百金創修石橋以便往來迄今襄人賴焉又施地十畝爲先天觀基址邑南門外有碑碣

趙世濂鄉耆惠之子德行素著鄉里推重由吏員授懷安鎮巡檢甫三月告還居家惟耕田訓子爲事嘉靖八年歲大饑 盈野濂不忍暴露卽於東

城壕窆坑數處收掩骸骼約數千計御史趙公鏜
具奏旌表其門

邱彥常於崇正十年出銀壹百兩助修城牆女塚又
督理城工三年王邑侯賜冠帶牌匾又於崇正十
三年命子彌高出粟千石救饑全活甚衆

國朝

崔洪憲生員順治十八年荒旱下袁里人民流離錢
糧盡欠洪憲乃查清欠數捐已貲納銀數百兩承
翼張邑侯賜匾曰今之丈夫

劉瑤早起拾遺銀一封曰此必輸賦於公家者身家

襄垣縣志

卷之六

人物

十五

性命係焉坐以待之至午有號泣而來者自言我

馬孟顯失去官銀十六兩零四錢今死矣瑤檢驗

果符付之而去

以上本
舊志

米士扣恤孤憐貧好善樂施康熙六十年歲饑村民

賴其賑救郭庄村道旁有碑

郭崇安其兄崇山寄居潞邑早故憫嫂姪無依搬回

本村將已業給與一半李邑侯給匾曰友十足式

郝進郁好善樂施周濟鄉鄰施地二十畝爲本村昭

澤王 香火費

崔鍾瑤捐已田二十畝置買橋板爲史水往來之便

廻轅村靈山廟有石記

李生正恤孤憐貧正直好義康熙六十年境內大饑
辦穀百餘石按 給散妻邢氏事姑以孝聞

乾隆十一年生正已卒鄉遭冰災邢氏捐粟九十
餘石按口賑饑克繼夫志

韓茂生吏員武生 之父修葺橋廟樂予施金嚴邑
侯表其門曰善可維風鄉黨贈匾曰功德流芳

張佐存心孝友慷慨樂施年六十奉事慈幃左右就
養勤謹親友有窮迫者予金周濟鄉人親疎敬

乾隆十八年李邑侯給匾曰孝義足式

襄垣縣志

卷之六 人物

十六

李均鄉耆陸行次子負性孝友疎財樂施年七十七
歲前後濟窮周急修橋施棺諸善事爲鄉人推重
壬寅年給匾曰孝義堪

德行

明

趙光啟庠生闔邑公舉德行巡按白旌其門曰士林推重
馮云 孝友性成事繼母 敬撫孤姪猶子德望重
於鄉閭文章華於藝苑 憲以才優德劭旌獎之
趙邦 自幼好善出貲拾 建廟施地享年七十有
八子 斗天津衛都司 庠生

國朝

李松齡孝友無愧德行兼優

以上本舊志

姚欽明增生德孚鄉里文重士林舉鄉飲介賓年八

旬應朱文宗科試取列一等文宗喜曰爾真今之

梁灝也賜匾曰敦品力學

李炳文吏員孝友克純義蹟素著自幼讀書佩孔孟

之教慨然以孝弟為務功名之念淡如也戚族有

不能婚葬者尤多倚賴

張廣益增生居家孝友立教有方

丙子年李邑侯給匾曰士林矩矱

耆德 附

襄垣縣志

卷之六 人物

十七

明

趙惠

正卿陸之孫

郝慶

學正臣之父

王黨

教官宗尹之父

趙景綉

韓軌

姚珊

李雲鵬

舉人迎時之祖

王祝

李林

趙景綽

郝雷

趙錫

舉人津之父

楊渭川

趙希先

恩榮壽之父

官人紀以上本舊志

國朝

郭衛京

德厚行方誼敦古處享

之十

王亮

乾隆十一年恭逢

駕獲 西巡赴臺接

耆年 以白金一錠太守旌匾曰

孫文元

繼曾父孝慈兼盡訓子成名且仗義息鄉人敬重現年八十

僑寓

晉

石勒其先匈奴別部生武鄉 據襄國世傳縣北城底
村卽石勒城遺跡晉建興以來 漢劉聰相繼 辱
懷愍二帝聰卒子粲立爲 準所殺族子劉曜卽位
改國號趙晉大興二年勒僞稱趙土晉咸和二年勒
遣石虎擊曜曜 石生於金墉襄國大震勒自將兵
救洛陽獲曜殺之 取長安 年僭稱帝事

襄垣縣志

卷之六

人物

十八

張賓趙郡中邱人博涉經史濶達有大節嘗自謂智
算識鑒不後子房但 遇高祖耳石勒引爲謀主
算無遺策勒以右侯呼之而不名及卒勒臨喪哀
慟左右將莖送 陽 邯鄲里水碾村其墓在
焉年遠邱壠荒 靖間有 卜 塚旁者賓降
虜云吾常山張賓也事趙殺劉曜擒王浚皆我之
謀因無後特告於子爲我作野史以待採者 留
詩三章乾隆二十五年知縣李體中爲之誌

魏

崔遊字子相上黨人恬靜謙

少

財利魏末察孝廉除相府舍人出爲氏池長甚有
惠政以病免晉武帝泰始初錄叙文帝故府寮屬
就家拜郎中年七十餘猶敦學不倦及劉元海僭
位召爲御史大夫不就年九十三卒墓在城西十
里

王通其先祁人也寓居銅鞮父隆因號銅川通自序
曰吾家頃居銅川六世矣註云上黨有銅鞮縣通
始讀書於銅鞮後徙龍門爲世大儒大業間以疾
卒門人私諡曰文中子

襄垣縣志

卷之六

人物

十九

唐

房元齡臨淄人幼英敏善屬文書兼草隸從文中子
讀書於銅鞮唐初爲相臨事善謀累官尚書僕射
封梁國公謚文昭今南坪村有房氏後裔
杜如晦字克明杜陵人嘗從文中子讀書於銅鞮後
仕唐爲名相封蔡國公謚曰誠

宋

黃魯直字庭堅江西宜春人翰林學士嘗經遊襄地
親樹小像又自作眞贊六首薄酒醜婦二歌

方

麻衣僧綿上人雲遊至紫巖山寺日夜趺坐人生之
富貴貧賤壽夭遭際一見立斷如神所著有相書
金鎖賦銀匙歌行世今寺內遺像尚存詳見仙釋
志

宋

張騃字公度潞州人家素業醫而騃尤精方脉意在
活人不責其報翰林學士黃魯直母安康郡君太
夫人病秘結諸醫不能治騃投餌卽愈魯直感謝
厚贈之却不受飄然而去

襄垣縣志

卷之六

人物

二十

國朝

楊一鶴有仙術康熙三十年三月旱至六月不雨闔
邑驚惶祈禱無應時一鶴在先天觀登壇祈禱油
然作雲甘霖遍野五穀咸登王邑侯匾獎曰道隆

應澍

崔成邦有仙術康熙四十五年禱雨輒應

仙釋

唐

焦道士七歲不語忽一日告其母楊氏曰今日吾師
至少頃果有道士來授焦符籙後修真

患禦災屢有奇功沒葬城南百步許五代晉天福間
邑人立廟奉祀宋元歷封昭澤王明
初五日記之

石壁叟不知其姓銅鞮侯元嘗以貧窶愁苦而嘆忽
一叟引入授以書萬言皆變化隱顯之術
之曰汝分合於至道進身然宿障未除面有晦
色宜謹密自固否必敗欲見我叩石則應元歸習
其術期月而成

二仙女世傳事繼母至孝遇冬月母思食苦菜求之
不得泣血於生母之墓而成寐醒獲菜供母貞德

襄垣縣志

卷之六

人物

二十一

協應後以仙去唐武德中追封冲淑冲
今二仙港有祠
至

三目僧姓王失其名左臂有一目少脫髮雲遊四方
百法俱通後啟左臂之目乃述古疏編印造藏經
二千餘卷貞觀中跌跏化人稱三目僧建封寺有
遺像鹿哭泉卽誕生處也

麻衣僧後周綿上人雲遊至紫巖山洞修養募建寶
峯寺殿閣巍峩爲一邑勝槩所著育相書金鎖賦
銀匙歌行於世寺內遺像在焉遇旱禱雨輒應
義福姓姜銅鞮人爲神秀弟子初止藍田化感寺處

方丈二十餘年未嘗出後隸京城慈恩寺開元十一年從駕往東都涂經蒲虢二州刺史暨士女皆齋花幡迎之二十年示寂張均房瑄嚴挺之韋陟皆往永訣而張以服丹不臨喪 避去乃謂房曰張有非常之咎各節皆虧若終此法 可以免難惜其先去也公必爲中興名相遂卒賜 智禪師葬於伊闕之北中書侍郎嚴挺之爲 碑文後張竟陷於賊嚴與房輔贊兩朝悉如其言

明

萬歷時有僧曰度生系出隴西一日 至邑北關

襄垣縣志

卷之六

人物

二十二

視石爲隣藉茅爲屋遂棲息焉居人 之晝則跌坐蒲團夜則禪燈不滅瑜伽庵之名由此始迨順治戊子冬度生忽晨起大 其徒來 來量曰予苦行於此有年無棄厥成端在汝等因說偈云父母未生前無欠亦無圓虛空包不盡 地豈能含偈畢涅槃矣邑侯王國治有碑記

德行補遺

孔興舜廩生賦性純篤事繼母如生母 成名撫姪林立且矜孤血寡敬老憐貧

友克敦

列女志

烈女節婦

烈婦賢婦

自劉向著列女傳杜元凱編之曾子固從而序之豈非以婦人之德溫柔難而貞烈尤難哉顧前史志列女不皆貞烈其才行尤高者亦並採焉故蔡氏文姬得與大家並壽隋宮阿五且同譙國齊名然而抱信守貞蹈忠踐義邈焉高風於茲爲尙豈真度越恒流亦陶淬風化者有自也我

國家久道化成風移俗易有司以貞烈舉必

旌之以示勸後此七十餘年或捐軀以殉或獨爲其難賢德休稱視舊志所載爲加盛焉聳碧漢之喬葉振北

襄垣縣志

卷之六 列女

一

谷之貞蕤奚必今之不古若耶志列女

烈女

明

馮九金女初許字胡棟因貧欲改字女念貧富易

操何顏人世遂自縊中學博劉朝薦親往拜

祭

國朝

陳柱女父故母許字於李璽璽歸宗母欲敗盟女不欲投縲死士民贈詩輓之立孤女墳

陳珍姐三星之胞妹也母許字於李希言義子後子

歸宗三星欲妹改字女聞自縊高邑侯給匾表之
烈婦

明

王應春妻趙氏年十六適應春春以貧縊死氏年二十三引刀自刎姑張氏哭而謂之曰爾翁亡時我亦有此志以爾夫幼未果今吾婦成之吾無憾矣有司表之

郝自省妻郝氏族豪欲污之郝不從引刀自刎有司以聞建坊旌表

申承文妻侯氏崇正六年爲流賊所執痛罵賊立殺之

襄垣縣志

卷之六 列女

一一

庠生邢宗齊妻張氏流賊猝至閤門被掠張給賊曰若釋我翁姑及丈夫便當從女賊從之行里許度一家去遠大罵賊曰我士人妻豈從賊耶抱幼子投溝死

國朝

生員李名閩妻鄭氏年十九夫亡矢死或給之曰凡墓封未過百日不敢擅開爾縱死亦不得與爾夫同穴也氏諾過百日浣衣沐浴墓祭其夫從者先行挽髮纏頸挂樹而李邑侯立碑表之

李小更妻栗氏完婚九日夫就食河南十載不歸翁姑憫其年少詐言小更死欲絕其念令轉適氏號泣不食自縊邑侯表其門曰真節烈

鄭敦仁妻邱氏廩生藩周母十八歲守節子未週歲自誓俟子長成舅姑告終即殉夫地下後至三十四歲舅姑葬子入泮遂禁飲食而死子媳馬氏夫故年二十七歲亦矢志守節

王杜氏寓居武鄉墨鐙村家貧歲飢里豪欲以非禮犯之杜以禮自持凜不可近豪乃誘其姑以勢壓之見笞於姑杖痕徧體總無二志後豪肆強暴杜

襄垣縣志

卷之六 列女

三

疾走墮巖死居人謂巖曰清風巖

以上本舊志

姚士前妻苗氏夫亡氏辟踊長號曰夫死奚以生爲

赴井死

本府志

王陳勲妻劉氏于歸月餘夫亡托其嫂爲夫立後嫂慰允之隨付銀鐲爲信投繯而死

李珩妻趙氏二十四歲夫亡後其子亦亡氏曰吾隱忍不死者爲此孤耳今孤亦亡吾何復生遂自

栗清朝妻溫氏二十五歲夫亡殮夫畢即投環死
李中仁妻崔氏二十八歲守節後 亡隨 縊

趙秋妻畢氏年二十夫涉 溺氏即 家

防之得不死越數日乘隙自縊

李海女安寧村人適潞邑生員常必達為妻年十九

必達故李隨自縊

此潞城縣事也以女係本邑人附志於此

節婦

元

皇甫慶妻張氏年

節以死自誓終身不渝至

正五年表其

史諒妻趙氏未

家即為舅姑終喪及于歸後史

門殄瘁趙

生子惠二歲諒卒貧無所依母

家勸其再

曰吾未亡人欲從良人於地下久

襄垣縣志

卷之六

列女

四

矣特以子少苟延旦夕耳若欲以禽獸行污我當

自盡後惠生子嗣宗亦二歲而惠卒惠妻楊氏亦

守節鄉人重之後嗣宗生五子二出仕殆天昌其

後云

明

師克己妻李氏年二十守節誓不改嫁紡織自給洪

武下詔旌表

劉濂妻衛氏年二十守節恪修婦道事姑至孝有司

以聞下詔旌表編修張治為撰節婦碑

增生李 妻路氏二十五歲夫亡誓死守節紡

養舅姑且撫育二孤教以耕讀長子豸登鄉薦氏年九十有司每餽問鄉人重之

生員崔濟妻常氏二十七歲夫亡誓死守節順事其姑杜門不出 家求配欲自縊弗得剪髮示之有司表其門

郝華妻李氏少寡撫子 氏思仁亦卒栗方

二十八歲矢死靡他 事姑歷三十年姑卒栗負土封墓察院旌其門曰姑婦雙貞

張伊智妻韓氏生而 靜明慧其叔治教授諸生說詩至柏舟韓從帳後聽曰爲人婦不幸不當如是

襄垣縣志

卷之六

列女

五

耶及笄適伊智夫亡子幼有里中少年欲娶者韓以死拒之 兒失學兒出服役於官輒哭兒還輟哭會 俱殲韓徒跣求父母屍 吮血而 女公爲撰誌銘

國朝

高文秀妻侯 二十二遭瘟疫翁夫俱亡氏匍匐禮葬教子聯十七入泮閭里稱之

馮景成妻趙氏二十六歲夫亡姑老子幼氏奉姑訓子辛苦備嘗守節四十餘年六十六歲終

李之平妻趙氏二十五歲守節家無 產躬親 紉

孝事翁姑子孫成立年六十七歲終王邑侯表其門曰勁節維風

庠生趙顯宗妻王氏貢生必達母二十九歲守節家貧如洗撫孤成立六十一歲終

曹運利妻李氏二十一歲孀居時二子在抱貧窮無依氏採藜藿爲食六十五歲終二子成立

趙韓璽妻楊氏十八歲夫亡訓遺腹子黻祚入庠黻祚又歿撫孫完娶亦亡復育曾孫以承先志

白崇雅妻韓氏二十五歲喪夫遺子瑄五歲氏教養成名

襄垣縣志

卷之六

列女

六

王士明妻郝氏二十六歲夫亡遺二子俱幼勵志守節孝敬翁姑撫子成立閭里稱賢

栗嵐妻黃氏二十二歲夫亡孝翁姑撫孤兒後子潤室亦亡教養三孫成立節壽雙全

趙之璽妻王氏武生宏儒母年二十九夫亡姑李氏泣子失明王以舌舐其目四年姑目重明鄉隣稱節孝康熙三十五年

旌表

常起妻翟氏二十三歲夫亡守節撫孤子孫成立
解柳妻張氏二十六歲守節教子耕

崔瑄妻趙氏二十一歲夫亡撫週歲子廷輔成立後
以吏任典史家頗富好施子孫與曾孫俱幼而喪
母氏復撫之成立壽九十有六

監生王永芳妻崔氏年二十二夫亡遺孤甫一歲脩
嘗甘苦撫育成人年九十有六

郝二妻盧氏夫亡時年二十無子家貧砥志守節壽
七十餘朱邑侯表其門

王道亨妻傅氏十八守節年至八旬康熙三十五年
遵

詔旌獎

襄垣縣志

卷之六 列女

七

韓琛妻陳氏二十五歲守節勤儉持家教子成立

廩生李名濂妻郟氏年二十守節教子成名

李振翼妻姚氏二十守節訓子成名年八十餘終

米士俊妻郝氏苦志守節三十載不改孀操趙邑侯

表曰節比松筠

郝誥妻韓氏年十九夫亡誓不再醮撫孤成立

張朱妻李氏年二十九夫亡事姑盡孝延師訓子長

子承仕吏員次子承乾廩生承宣承憲俱歲貢承

明庠生王邑侯表其門曰克終孝節年九十三終

庠生賈憬妻趙氏夫亡時二十一歲剪 矢志教

子呈維讀書入庠年八十二卒

邱果妻苗氏夫亡時二十四歲隻身無倚貞靜守節
八十七歲終族人以禮葬之

劉馨芳妻邱氏年二十五夫亡親老子幼立誓守節
躬勤紡績敬事翁姑四十年如一日

庠生王聘妻張氏早寡矢志守節竭力養親義方訓
子長撫夏三撫 俱入庠次撫邦登武舉邑侯汪
柳各給匾表之

生員趙運世妻秦氏年二十一夫亡守節撫孤自甘
清貧孝奉翁姑後教二子成立

襄垣縣志

卷之六

列女

八

楊增梁妻武氏二十三歲夫亡家貧守節撫幼子成
立

郭應明妻李氏夫亡時二十歲屢遭困厄孀守益堅
教子成人年七十而終

廩生郭皇圖妻李氏夫早逝苦守三十餘年子維京
又亡遺妻崔氏年幼家貧晝夜紡織敬事孀姑教
子入泮一門雙節有司表之

李鍾白妻郭氏年二十夫亡子幼氏上事翁姑下教
幼子兼撫兩姪成立

以上本
舊志

生員鄭爲仁妻劉氏年二十五夫亡苦志守節孝奉

翁姑教子 周入泮乾隆元年建坊

旌表

郝秀銀妻許氏二十五歲夫亡奉事舅翁孝養備至

教子渭成立乾隆十二年建坊

旌表

李桓妻張氏夫亡時十八歲繼姪爲嗣守節四十餘

載乾隆十九年建坊

旌表

李名楚妻劉氏夫亡時二十七歲孝養孀姑撫孤成

人守節三十六載邑侯以貞心炳日表其門

襄垣縣志

卷之六

列女

九

生員姚愷妻郝氏二十三歲夫亡念書香不宜歇絕

教子執中入泮且能撫諸孫之失恃者俱成立守

節四十九年柳邑侯以冰 匪石表之

李之秀妻王氏年 十夫亡家貧子幼苦志守節歷

五十 載 以節 齊芳表其門

劉天雨妻任氏 十八歲夫亡次年夫兄天雲亦故

與嫂馮氏同 苦守任守節三十九年馮守節三

十七年雍正十二年邑侯給一門雙節匾

許展妻李氏二十五歲守節撫孤後子文宰又亡遺

媳張氏共矢冰 李壽六十二歲張壽七十二歲

邑侯以竹 栢幹表之

楊謨妻王氏二十三歲夫亡翁姑早逝撫子成人婚娶後子又亡氏撫兩孫成立艱辛萬狀守節五十五年邑侯以節可陳情表之

崔謙鳴妻韓氏二十七歲夫亡紡績度日教子高入庠壽六十終邑侯以節孝維風表之

李起 妻栗氏夫亡時二十六歲家貧苦守五十二載邑侯以懷清履潔表之

王敏妻史氏二十五歲夫亡家貧子幼苦節完貞六十九歲卒

襄垣縣志

卷之六

列女

十

高廣妻王氏夫亡時二十四歲繼姪爲嗣家甚貧以紡績孝事孀姑七十四歲終邑侯表以節維先後韓進塘妻牛氏年二十夫亡孝養翁姑撫子魏入庠守節五十二年邑侯表以霜松露蘭

郭祚琦妻王氏夫亡時二十三歲矢志撫孤嘗濟貧周急修道葺橋壽七十六歲邑侯旌節賢茂著匾趙軒妻李氏十九歲夫亡撫子國望婚娶後亦亡遺媳連氏姑娘孀居共矢冰搯壽六十一歲

王起鼎妻郟氏二十七歲夫亡孝養翁姑教子入泮壽八十邑侯以節孝可風表之

栗舜室妻李氏二十六歲夫亡姑老子幼守節四十七年邑侯給志潔冰壺匾

王燦庭妻王氏二十九歲夫亡家貧子幼苦志守節子道道中俱入泮兼撫孤姪成立守節四十年郝士宮妻王氏夫亡時二十五歲家貧紡績自給守節四十四年邑侯以節孝流芳表之

陳于晉妻趙氏二十八歲夫亡苦志守節壽八十二邑侯匾曰荻訓霜捺

王振明妻陳氏係崇文里夫亡時二十八歲家貧繼姪爲嗣紡織度日守節四十六年邑侯旌以松筠

襄垣縣志

卷之六

列女

十一

媲美

賈紹周妻路氏增生慶餘母二十五歲夫亡孝奉翁姑義方訓子八十三歲猶勤儉持家長孫攀鱗食餼次孫培鱗太學曾孫俱業儒邑侯給匾曰閨閣

儀型

趙欲仁妻劉氏夫亡時二十一歲守節撫孤年六十二歲

生員劉遇堯妻李氏二十五歲夫亡家貧無子守節四十一年邑侯給匾曰志行足嘉

均妻趙氏夫亡時二十五歲翁老子幼氏矢

志守節事親至孝教子毓龍入庠孫亦成名邑

給 茂松筠匾乾隆三十七年建坊

表壽八十終

王夢說妻路氏廩生衷禮母年二十三而寡時禮未週歲氏守節撫孤勤儉持家課子督孫皆未冠入泮壽七十二終邑侯給清月寒潭匾乾隆四十年建坊

旌表

韓積玉妻郭氏夫亡時二十歲家貧守節次年夫兄進玉亦亡與嫂郭氏辛苦紡織孝養雙親各守節

襄垣縣志

卷之六

列女

十一

三十餘年邑侯以節孝 芳表之

監生趙禹慧妻李氏年二十二夫故無子矢志守節奉事孀姑抱姪秉庚爲己子夫嗣不絕

生員韓祚永妻蘇氏夫亡時二十二歲雙親垂老氏

矢志守節竭力孝養歷三十二年邑侯表曰節操

冰霜

張受祿妻白氏夫亡時二十七歲家貧子幼翁姑俱歿夫嫂勸其改適氏情願撫孤紡績度日尋伯死嫂 親爲調養四載不倦嫂亡遺一女撫養如己出守節二十六年卒

王國昌妻燕氏年二十五守節事翁姑以孝聞育姪
爲子尤好善樂施於夏店鎮楊家溝創建石橋邑
侯以守節好善表之

栗會室妻馬氏二十五歲守節八十一歲終

王封侯妻郭氏二十五歲夫亡家貧子幼紡績度日
壽七十七終邑侯給匾曰柏榦蘭芽

李龍池妻栗氏夫亡時二十四歲勤儉持家撫孤成
立

劉尙堯妻楊氏二十二歲守節七十餘歲終

趙瓊妻陳氏二十四歲夫亡持家勤儉訓子成名邑

襄垣縣志

卷之六

列女

十三

侯給匾曰松花棣萼七十二歲終

王彥臣妻任氏二十四歲守節艱辛備歷孫子衆多
年近八十卒

李生庫妻路氏二十四歲守節七十九歲終邑侯給

匾曰勁節永昭

張萬年妻許氏二十八歲守節五十二歲終

孫來成妻張氏二十八歲守節邑侯給節媿冰霜匾

張榮鳳妻白氏二十八歲夫亡年逾六十卒邑侯給

匾曰節超巾幗

白初妻崔氏二十五歲守節七十九歲終

馬生增妻尙氏夫亡時二十八歲孀姑失明孤子早喪兼家貧無賴氏茹苦養姑姑死竭力營葬鄉人賢之

劉培德妻常氏二十一歲守節家貧親老氏紡績奉事撫孤成立

武進友妻蕭氏夫亡時二十八歲孝事孀姑撫孤成立

魏成祚妻杜氏二十二歲守節親老子幼氏仰事不懈俯育有方鄉人稱之

魏琳妻龔氏二十四歲夫亡親老子幼家道艱窘氏

襄垣縣志

卷之六

列女

十四

獨力自持子孫成立

生員馬大健妻李氏二十三歲守節事親孝謹撫孤成立邑侯以節孝功成表之七十三歲卒

趙玥妻馮氏十九歲夫亡遺子有君方一月氏撫養

成人事姑孝逮下慈恪遵婦道蔡學憲給匾曰古雪筠青壽七十六終

郭天錫妻李氏二十三歲夫亡二子俱幼教養成人五十六歲終

郝永柱妻霍氏二十一歲守節繼姪爲嗣年七十二歲

張慶妻趙氏二十二歲守節七十九歲終邑侯表曰
松操永茂

李進臣妻宋氏二十一歲守節撫孤四十餘年卒

史加筆妻郭氏二十七歲夫亡矢志守節紡織度日
壽七十四歲

常樂妻郭氏二十二歲守節遺孤尚在襁褓教養成
名

常萬榮妻董氏二十九歲夫亡事親教子賢德堪稱
守節四十二年而卒

趙鮮妻邱氏二十二歲夫亡遺子三歲氏守節撫孤

襄垣縣志

卷之六

列女

十五

終始不渝

李泌妻孫氏十八歲夫亡苦志撫孤守節四十餘年
武天保妻王氏二十五歲守節歷三十餘年邑侯給
節勁冰霜匾

李崇珣妻許氏十九歲守節壽七十七歲邑侯給節
壽雙高匾

陳海川妻孟氏二十二歲夫亡翁已垂老子方弱齡
氏冰霜自矢上而生事葬祭婦兼子職下而教養
婚娶母同嚴君壽七十二終邑侯給壺節松筠匾
郭廷 妻王氏二十五歲夫亡姑老子幼度日維艱

苦守四十餘年

高軒妻李氏二十一歲夫亡遺子三月家貧如洗矢志苦守歷四十餘年

楊維浩妻楊氏二十三歲夫亡撫孤成立守節五十九年

李季白妻栗氏二十歲守節孤子三歲撫育人邑侯給匾表之六十二歲終

張瑤妻王氏二十歲守節邑侯給匾曰柏舟繼美壽七十三歲

王月瑞妻賈氏二十九歲夫亡守節三十年五十九

襄垣縣志

卷之六

列女

十六

歲卒邑侯給矢志無他匾

邢日朝妻李氏二十一歲守節事親撫孤年六十歲增生李茂生妻馮氏孝事翁姑撫子成立苦志完貞王帝廷妻賈氏二十八歲守節撫子道邃又亡遺媳韓氏年方十九姑媳苦守各歷三十餘年

楊令言妻邢氏二十六歲夫亡未幾夫弟生員紹曾亦亡邢與弟婦李氏同志苦守四十餘年邑侯給節孝齊芳匾

郝昌元妻李氏夫亡時十九歲紡績爲生撫孤成立守節四十三年邑侯以節撫孤表之

生員李時蘭妻郭氏二十八歲夫亡孝事孀姑撫前
子成人育幼姪如己出守節四十三年

栗輅奇妻趙氏二十四歲守節紡績度日矢志靡他
壽七十一卒

李士選妻岳氏

以上本府志自栗會室妻馬
氏下補傳岳氏無憑

張典妻牛氏二十守節八十餘歲卒康熙五十四年
柳邑侯給匾表之

張瑾妻陳氏年二十守 七十餘歲卒

王茂年 近族無依屢遭饑饉

襄垣縣志

卷之六 列女

十七

貞志不變八十

李之敏妻崔 夫亡遺子三歲盡心撫育

六十餘歲諸

賈光鼎妻栗氏二十五歲守節親老子幼孝慈兼盡

六十餘歲子亡同媳孀居教孫耕讀柳邑侯給匾
表其門

張佳玉妻連氏二十四歲夫亡守節三十餘年雍正
四年李邑侯以節孝維風表之

生員連起祿妻李氏二十三歲夫亡守節四十餘年

栗周眷妻李氏二十七歲守節子方週歲氏紡織

日艱難萬狀年九十二歲孫男三曾孫六元孫一
李邑侯給匾松石堅貞

張謁妻郭氏二十三歲夫亡矢志守節歷四十餘年
卒李邑侯給守貞裕後匾

趙之璘妻王氏因乏嗣勸夫娶任氏女爲妾生三子
夫亡任年二十五歲王義撫諸幼勤苦持家與任
共守節三十餘年雍正九年劉邑侯給匾表之
吏員李于璠妻王氏二十七歲夫亡守節五十年雍
正十二年張邑侯以孀操荻訓表之

連耀明妻李氏二十七歲守節紡績不倦撫孤成立

襄垣縣志

卷之六

列女

十八

八十歲終雍正十三年張邑侯給匾表之

郭崇霄妻常氏二十五歲夫亡事姑克孝撫孤成人
守節五十餘年張邑侯給節孝可風匾

趙之珽妻路氏年二十七夫亡矢志守節教子梁讀
書入泮年八十餘卒乾隆元年李邑侯給以貞媛

壽母匾

崔起元妻劉氏二十七歲守節家貧子幼氏井臼勤
勞教子秀雅入泮乾隆二年嚴邑侯給雪凜青松

匾

連有妻張氏十九歲守節撫遺腹子成立嚴 侯給

華茂春松匾

王經襄妻趙氏二十歲守節家貧如洗撫子成立壽七十餘終

王爲邦妻高氏二十七歲夫亡家貧子幼苦志守節年逾六十嚴邑侯給匾曰冰霜勁節

張性朴妻連氏三十守節苦志全孤嚴邑侯給柏舟永矢匾

賈玉品妻李氏二十六歲夫亡家無寸土翁姑未葬氏竭力葬親撫子成立嚴邑侯給匾曰獨爲其難壽逾七十卒

邢進生妻栗氏二十七歲夫亡苦志守節五十餘年嚴邑侯以節孝賢媛表之

劉三畏妻范氏三十歲守節奉姑撫子年逾六十嚴邑侯給貞孝啟後匾

邱頂高妻張氏二十七歲夫亡事姑教子守節三十餘年嚴邑侯表其門曰節孝幽閒

韓朗妻王氏青年守節子方週歲紡織度日撫子成立嚴邑侯給節並蓮芳匾

齊忠賢妻李氏三十歲守節事親撫孤六十餘歲卒李自展妻梁氏三十歲守節孝親撫孤子孫 年

七十 邑侯給克全婦道匾

路氏二十七歲夫亡守節三十餘年撫孤成立

生員李可常妻栗氏二十九歲守節奉養孀姑教子成名歲歉出粟賑飢八十七歲終嚴邑侯給節榮奕葉匾

邱獻全妻倪氏二十二歲夫亡奉姑教子歷盡艱辛守節四十餘年

趙宋妻王氏二十九歲夫亡三子俱幼家貧如洗紡織給乾隆八年徐邑侯以閨閫芳徽表之

襄垣縣志

卷之六

列女

二十一

任聖考妻許氏二十三歲夫亡紡績度日撫子成立徐邑侯給閨 儀型匾

姚瑞妻栗氏二十餘歲守節年七旬徐邑侯表其門曰勤劬節壽

董維俊妻趙氏二十八歲守節八十四歲卒乾隆九年陳邑侯給壺範堪風匾

郝養性妻楊氏二十九歲守節晝夜紡績撫子成人陳邑侯以節凜冰霜表之

崔世爵妻范氏三十歲守節三子俱幼氏紡績度日撫子成立陳邑侯給德昭壺範匾

馬學秀妻魏氏生員履泰母二十九歲守節年八十終陳邑侯給匾曰閨闈完人

孫洪瑞妻邱氏二十歲守節孝親撫孤歷三十餘載

陳邑侯給匾表之

生員 妻崔氏二十一歲守節奉親撫孤終始不

易乾隆十二年鄒邑侯給匾表之

賈開基妻郎氏二十三歲夫亡親老子幼紡績度日守節四十餘年

王伏龍妻郝氏三十歲夫亡撫子成立守節四十餘年

襄垣縣志

卷之六 列女

二十一

任國祚妻李氏夫亡時二十一歲矢志守節事親撫

孤歷四十餘年

生員史希聖妻崔氏二十歲守節事姑教子歷四十

餘載乾隆十五年璩邑侯表曰節孝可風

李淳生妻邢氏二十八歲守節取姪爲嗣璩邑侯以

全節永貞表之壽八十五歲

楊招鳳妻李氏二十九歲夫亡家貧無倚矢志守節

璩邑侯給節壽全人匾

郭景安妻張氏二十四歲夫亡撫孤成立苦守四十

餘年

桑逢春妻倪氏二十四歲夫亡遺子一月剪髮自誓
守節歷四十五載

王康侯妻賈氏夫亡時二十四歲紡績撫孤守節五
十餘年乾隆十六年趙邑侯給冰操鶴算匾

王文友妻連氏二十八歲夫亡矢志撫孤守節四十
餘年

王澤禮妻張氏二十八歲守節七十四歲卒

生員郭崇固妻高氏二十七歲守節上無翁姑子方

三歲氏冰霜自勵紡績度日趙邑侯給柏節松齡
匾

張前妻燕氏二十七歲夫亡奉親撫孤八十餘歲終

米士顯妻田氏二十歲守節孝養翁姑教子成人年

六十餘趙邑侯表其門曰勵節撫孤

秦秀妻李氏年十八夫亡子方一歲茹荼苦節歷五
十餘載乾隆十九年李邑侯給匾表之

張玉景妻郭氏二十一歲守節奉親撫孤艱辛備歷
李邑侯給節壽堪揚匾

常自美妻張氏三十歲守節七十餘歲卒

三元妻李氏二十六歲守節善養翁姑曲成後
年七十卒

楊繼武妻路氏二十八歲夫亡矢志守節撫子成立
歷三十餘年

李成文妻馬氏係西王橋村二十九歲守節紡績度
日教子成立歷四十餘年

栗長妻宋氏三十歲夫亡孝親訓子守節三十餘年
郭明仁妻崔氏十七喪夫矢志苦守歷四十餘年不
易其操

李端妻栗氏三十歲夫亡訓子成名 節四十餘年
王新貴妻黃氏二十六歲守節事親撫孤壽七十餘
卒

趙明山妻劉氏三十歲守節事親撫孤孝慈兼盡李
邑侯給匾表之

李文全妻武氏二十八歲夫亡矢志守節撫孤成立
安邑侯表之曰苦志守貞年七十八歲

郭子貴妻張氏二十六歲夫亡矢志守節教子成名
乾隆二十九年高邑侯給匾表之八十五歲終

郭子敦妻邢氏夫亡時二十七歲撫孤成立乾隆三
十年賈邑侯給操同松柏匾

趙崇雨妻張氏二十六歲守節貧無寸土紡績自給
年七十三歲

馮國忠妻李氏夫亡時十九歲苦志守節七十七歲
終賈邑侯表以勁節堪風

蕭建榮妻孫氏二十八歲夫亡矢志撫孤守節四十
餘年

郭生祥妻崔氏二十九歲夫亡事親撫孤年八十餘
卒

賈萬枝妻馬氏二十五歲守節撫二子成立現年八
十三歲賈邑侯給以壹節松筠匾

劉伏懷妻李氏二十一歲夫亡無子上事孀姑下育
繼子苦守四十餘年

襄垣縣志

卷之六

列女

二十四

郭光明妻王氏二十五歲夫亡事姑克孝育子成人
守節四十餘年

武悅妻常氏二十五歲守節歷五十餘年不易其操
賈邑侯給松操永茂匾

楊淇妻郝氏年二十五夫亡家貧守節子孫成立壽
七十三卒賈邑侯給守貞啟後匾

李道源妻霍氏二十一歲守節繼姪爲嗣歷三十餘
年卒

李思溫妻邱氏二十五歲夫亡苦志守節歷三十二
載卒

王萬月妻范氏二十九歲守節年六十有九

袁智妻史氏二十五歲夫亡撫孤成立守節四十餘年

張俟召妻楊氏二十六歲夫亡姑老子幼紡績度日守節四十餘年

王月華妻李氏夫亡時二十七歲家貧撫四子成立年七十有餘賈邑侯給匾曰勵操撫孤

王承璽妻張氏二十六歲守節家貧如洗子亦早亡艱辛備歷年七十有五

李經世妻王氏二十七歲守節壽逾八十一子二孫

襄垣縣志

卷之六 列女

二十五

俱列膠庠

賈友寧妻張氏二十三歲守節孝親撫孤勤儉持家
年七十一歲賈邑侯給志潔冰霜匾

翟明謨妻王氏二十八歲守節撫子成立歷三十餘年

陳尙敬妻張氏二十四歲守節奉親撫孤勤儉持家
三十餘年不易其操賈邑侯匾曰節孝可風

梁有妻劉氏二十七歲守節年七十有餘
王興照妻韓氏二十歲夫亡撫孤成立守節四十餘

年

曹天爵妻霍氏年二十七夫亡守節歷四十餘載乾隆四十六年士民公舉給以柏節松齡匾

白瑄妻苗氏二十六歲夫亡養親撫孤艱辛備歷年五十四歲

邢才舉妻李氏二十二歲守節事親克孝撫孤成立年七十五歲

生員李棕妻王氏二十歲守節家貧子幼備歷艱辛年五十卒

李藪妻張氏二十五歲守節事親撫孤紡績度日現年六十

襄垣縣志

卷之六

列女

二十六

姚祚藩妻郭氏二十五歲夫亡家貧子幼紡績度日撫孤成人現年五十九

趙同試妻姚氏夫與兄共溺於河嫂改適氏獨守節不易年五十八歲

王會妻張氏二十八 節家貧養親撫孤歷三十五年

連進坡妻李氏二十八 夫亡家貧如洗子少亡氏紡績度日苦志守節現年七十六歲

張鈞妻解氏二十七歲喪夫矢志守節養親孝謹撫遺腹子成立現年六十歲

郭明德妻賈氏二十三歲夫亡姑老子幼矢志守節
年六十一歲

王在妻苗氏二十五歲夫亡家貧守節撫孤成人年
六十一歲

郭厚妻米氏十九夫 孝親撫孤守節三十八年

韓适妻倪氏十九 家貧如洗矢志冰霜子法天

又亡遺妻張氏二十三歲子尙襁褓姑媳孀居倪
守四十餘年張現年六十一歲一門雙節閭里稱
賢

趙純義妻牛氏二十三歲守節奉養翁姑訓子成名

襄垣縣志

卷之六 列女

二十七

年六十歲

生員崔毓峯妻李氏二十五歲夫亡事姑克孝撫子
立年六十一歲

王振民妻申氏十九夫亡矢志守節教子九錫成名

現年六十 安德村

羅 妻桑氏二十四歲夫亡矢志守節奉親教子紡

績惟勤現 十四歲

李海妻秦氏二十一歲守節教子成名年六十三歲

李儉勤妻苗氏二十五歲夫亡事親孝謹撫孤成立
年六十餘卒

張旭妻栗氏十九夫亡家貧守節年七十八歲

張文郁妻武氏二十二歲夫亡矢志守節年五十有

九

張京召妻邢氏二十六歲守節勤儉持家訓子成名
年六十九歲

張應生妻栗氏十九歲守節孝姑成家曲全宗祀年
六十歲

秦德財妻李氏十八歲守節事親孝謹撫孤成立年
六十五歲

李杜妻池氏夫亡時十七歲撫遺腹子成立苦志守

襄垣縣志

卷之六

列女

二十八

節七十二歲卒

生員馮進朝妻李氏二十一歲夫亡矢志守節撫二
子成立年七十終

趙袍妻王氏二十五歲夫亡孤子甫三齡家貧紡績
撫子成人八十四歲卒

生員張沂妻王氏于歸後夫失明氏服事盡職二十
六歲夫亡矢志守節撫子育孫年六十八歲

張光湯妻劉氏二十六歲夫亡一月內翁姑俱歿遺
子未週家貧苦守節五十三歲卒

張妻弓氏二十七歲夫亡撫孤成立備歷艱辛年

六十三歲

張金樑妻梁 二十六歲守節孝事繼姑撫子成立
年六十四歲

張學士妻王氏二十八歲守節事親孝謹撫遺腹子
成人年六十四歲

白自賢妻張氏二十二歲守節孝養翁姑撫孤成立
年八十五歲

趙之耀妻牛氏二十七歲夫亡守節五十餘年

楊維進妻王氏夫亡二十五歲守節五十餘載壽七
十五卒

襄垣縣志

卷之六

列女

二十九

郭有章妻孫氏二十五歲守節年七十八卒邑侯給
節壽賢良匾

王傅妻李氏三十歲守節年八十歲

李進賢妻趙氏十九歲守節繼姪爲子奉姑不懈年
五十八歲

孫大中妻馬氏二十四歲夫亡撫孤萬鱗婚娶後亦
亡遺媳韓氏二十三歲姑媳孀居馬年七十八韓
年五十八

生員李 妻郝氏二十四歲守節勤儉持家子孫
成立年六十一歲

李道生妻郭氏二十七歲夫亡家貧子幼紡績度日
苦守四十餘年

張奇品妻崔氏二十五歲夫亡矢志守節撫子成人
年七十歲

李成文妻王氏二十守節七十七歲終係桃樹村

馮君助妻劉氏二十歲守節事親撫孤冰操不易年
八十一卒

馮文燦妻王氏二十三歲守節撫孤成立六十九歲
卒

馮永安妻趙氏二十五歲夫亡矢志守節孝事翁姑

襄垣縣志

卷之六 列女

三十

撫孤成名現年六十五歲

趙先文妻張氏二十五歲守節六十三歲卒

向體惠妻連氏二十歲守節現年七十三歲

陳海峙妻黃氏二十八歲夫亡甘貧守節撫孤成人
年六十歲

生員郝震楚妻姚氏二十八歲守節苦志撫孤年逾
七旬而卒

生員王天一妻郭氏二十一歲守節紡績度日抱姪
嗣現年六十

李氏二十五歲守節翁啞子幼兼之家貧

苦志全貞歷三十五載

張成德妻馬氏二十五歲守節遺孤三齡外無近族
內無仰瞻氏矢志靡他現年六十有二

生員崔英妻王氏二十四歲守節撫孤六十一歲卒
韓岱妻傅氏二十三歲守節奉姑育子脩歷艱辛現
年六十二歲士民公舉給以節凜冰霜匾

李王藩妻張氏二十二歲守節教子漢弼成名訓姪
漢棟漢柱漢杰相繼入泮家業克紹鄉里稱之

生員李鍾璘妻申氏二十九歲孀居未幾夫弟吏員
鍾瑛亦故遺妻任氏二十四歲二氏矢志同守申

襄垣縣志

卷之六

列女

三十一

現年六十任亦歷三十載矣

崔翔妻郭氏二十八歲夫亡家貧如洗所遺翁柩幼
子死生無倚氏紡績營生上而竭力葬翁下而教
成二子苦節三十餘年孝慈兼盡柳邑侯表其門
曰節操可風

常生滿妻王氏二十四歲守節撫孤教子煥文成名
苦節三十九年李學師表其門曰志潔冰壺

李煥林妻秦氏夫亡二十一歲矢志守節撫子成立
邢惠中妻苗氏二十四歲守節紡織營生上事老翁
下撫幼子苦節四十餘年現年六十九歲

賢婦

知州賈待旌妻趙氏爲夫娶妾生子撫養如己出慈訓成名闔邑稱賢贈宜人

趙雲梯妻崔氏好善嫻禮識字知書嘗以未事翁姑爲憾祖翁邦寧年九旬奉事惟謹飼飯年絕無倦容撫養在廷等三子成人所出三十餘丁七十歲終邑侯表之以上舊志

王家璽妻周氏性仁慈識大義撫姪與姪孫如同己出見隣里急難周濟惟恐不及年七十四歲卒本志

貢生郭妻馬氏夫故於康熙六十年歲歉煮粥賑飢施米五十石趙邑侯匾曰女中丈夫

楊振全妻茹氏嫂病故遺姪無依氏撫養成人鄉人賢之

增生白璵妻張氏奉事孀姑勤勞盡道隆師教子周窮恤匱鄉黨稱賢

王洪禹妻馬氏于歸十餘載夫亡氏念村居鄉僻久無文學之士因竭力教子輔名入膠庠由是鄉人始知慕學賈邑侯給匾表之

庠生白璵妻賈氏少嫻姆訓夫疾臥榻歲餘親奉藥

餌毫無怠志及夫卒遵遺囑教子知來入太學啟
來廩膳生學師以教成畫荻表之

李玉廷妻王氏鄉人稱賢司馬給匾表之

郭廷助妻張氏孝姑敬嫂撫姪全孤現年八旬

白天位妻張氏青年孀居姑右股跌傷氏扶持飼飯
毫無倦容和妯娌睦里隣鄉黨稱賢

賈悅妻韓氏夫亡紡績自給 事翁姑生養死葬俯
育其子大儒成名內和妯娌外 親戚鄉人稱其
賢淑

節婦補遺

襄垣縣志

卷之六

列女

三十三

郭天朋妻牛氏二十一歲夫亡矢志守節四十七年
六十八歲終

六卷終

